问曰:身、口、意粗业,是事易知,须菩提何以故问?

答曰:粗细不定故,如求道人中,布施是粗善,于白衣为细;如小乘中,不善业为粗,善业为细;摩诃衍中取善法相,乃至涅槃皆名为粗。以粗细不定故问。佛次第为说粗业相,所谓夺命乃至邪见;是三种身业、四种口业、三种意业,皆名为粗。复次,破菩萨六波罗蜜法,悭贪等皆名为粗。

问曰: 先说十不善道, 已摄悭贪等, 何以复别说?

答曰:是六法不入十不善道,十不善道皆是恼众生法,是六法不但为恼众生;如悭心,但自惜财,不恼众生。贪心有二种:一者、但贪他财,未恼众生;二者、贪心转盛,求而不得,则欲毁害,是名业道,以能起业故。瞋亦如是,小者不名业道,以其能趣恶处故为道,是故别说六法无咎。

问曰: 六波罗蜜中已说戒, 今何以复说戒不净?

答曰:破戒法,是杀生等粗罪;戒不净是微细罪,不恼众生,如饮酒等,不入十不善道。

复次,破五众戒²,名为破戒;不破所受戒,常为三毒覆心,不忆念戒, 回向天福,邪见持戒,如是等名为戒不净。

初篇, 4条他胜罪: 比丘四条根本罪: 不净行、不与取、杀生和妄说上人法。

¹ 悭贪等皆名为粗: 悭贪心、破戒心、瞋心、懈怠心、乱心、愚痴心,是名菩萨意粗业。

² 五众戒:注释即五篇,为戒律之大科。又作五犯、五犯聚、五众罪、五种制。

²⁵³条比丘学处。共分五篇。

第二篇,13条僧残罪:比丘所应断除之残余罪,分为因贪欲有情者五;因贪欲资具者二;因损恼者二;因违谏者四;总为十三。第三篇,120条堕罪:三十个舍堕罪,比丘所断堕罪之一,谓所犯堕罪之物,应舍于众中而忏悔之,若不忏悔,则感堕恶趣异熟果。九十条单堕,比丘所断堕罪之一,分为九部分:明知十条、种子十条、未差十条、辗转十条、水等十条、俗家等十条、故犯十条、同行十条和说法十条。三十条舍堕罪及九十条单堕;总为一百二十条。

第四篇, 4条向被悔:比丘所断五种堕罪之一。此有四条:谓受比丘尼所乞之食者;于白衣家其他比丘尼特授予食者;从僧众已与学家羯磨之施主家受食者:于有恐怖处未观察有无盗贼而受食者。总为四条。

第五篇,112 条恶作: 五篇堕罪中之一百一十二条: 著衣聚十、行聚二十、坐聚九、受食聚八、进食聚二十一、用钵聚十四、说法聚二十六、修行聚三、攀登聚一、共九聚一百一十二条。这五篇的总和即是小乘出家比丘戒共 253 条。 364 条比丘尼学处,也分五篇。

初篇,8条他胜罪。第二篇,20条僧残罪。第三篇,213条堕罪,即33条舍堕罪,180条单堕。第四篇,11条别悔。第五篇,112条恶作。共计364条学处。

复次,若菩萨心远离四念处等三十七品、三解脱门,是名粗业。所以者何?此中心皆观实法,随涅槃,不随世间。若出四念处等法,心则散乱。譬如蛇行本性好曲,若入竹筒则直,出筒还曲。

复次,若菩萨贪须陀洹果证,是为粗业。如人闻佛说须陀洹果,不堕三恶道,尽无量苦,如五十由旬池水,余在者如一滴二滴³,则生贪心。以其心不牢固,本求作佛为众生,今为自身而欲取证,是为欺佛,亦负众生,是故名粗。譬如人请客,欲设饮食而竟不与,是则妄语负客;菩萨亦如是,初发心时作愿:"我当作佛度一切众生",而贪须陀洹,是则负一切众生。如贪须陀洹果,乃至贪辟支佛道,亦如是。

【经】"复次,须菩提,菩萨取色相、受、想、行、识相,眼相、耳、鼻、舌、身、意相,色、声、香、味、触、法相,男相、女相,欲界相、色界相、无色界相,善法相、不善法相,有为法相、无为法相,是名菩萨粗业。菩萨摩诃萨,皆远离如是粗业相,自布施,亦教他人布施,须食与食,须衣与衣,乃至种种资生所须,尽给与之,亦教他人种种布施,持是福德与一切众生共之,回向净佛国土故;持戒、忍辱、精进、禅定、智慧亦如是。

"是菩萨摩诃萨,或以三千大千国土满中珍宝,施与三尊,作是愿言: '我以善根因缘故,令我国土皆以七宝'成!'

^{3 《}杂阿含经》云:

[[]尔时,世尊告诸比丘:"譬如湖池,广长五十由旬,深亦如是。若有士夫以一毛端渧彼湖水。云何,比丘!彼湖水为多,为士夫毛端一渧水多?"

比丘白佛:"世尊!士夫毛端尠少耳.湖水无量千万亿倍.不得为比。"

佛告比丘: "具足见真谛,正见具足世尊弟子,见真谛果,正无间等。彼于尔时,已断、已知,断其根本;如截多罗树头,更不复生。所断诸苦,甚多无量,如大湖水;所余之苦,如毛端渧水。"]

[&]quot;七宝:在佛经中,不同的经书所译的七宝各不尽同,鸠摩罗什译的《阿弥陀经》所说七宝为金、银、琉璃、珊瑚、砗磲、赤珠、玛瑙;玄奘译《称赞净土经》所说七宝为金、银、吠琉璃、颇胝迦、牟娑落揭拉婆、赤真珠、阿湿摩揭拉婆;《般若经》所说的七宝是金、银、琉璃、砗磲、玛瑙、珍珠、玫瑰。

"复次,须菩提,菩萨摩诃萨以天妓乐,乐佛及塔,作是愿言:'以是善根因缘,令我国土中常闻天乐!'

"复次,须菩提,菩萨摩诃萨以三千大千国土满中天香,供养诸佛及佛塔,作是言:'以是善根因缘,令我国土中常有天香!'

"复次,须菩提,菩萨摩诃萨以百味食施佛及僧,作是愿言:'以是善根因缘故,令我国土中众生,皆得百味食!'

"复次,须菩提,菩萨摩诃萨以天香细滑施佛及僧,作是愿言:'以是善根因缘故,令我国土中一切众生,受天香细滑!'

"复次,须菩提,菩萨摩诃萨以随意五欲,施佛及僧并一切众生,作是愿言:'以是善根因缘故,令我国土中弟子及一切众生,皆得随意五欲!' 是菩萨以随意五欲,共一切众生,回向净佛国土,作是愿言:'我得佛时, 是国土中如天五欲,应心而至!'

"复次,须菩提,菩萨摩诃萨行般若波罗蜜时,作是愿言:'我当自入初禅,亦教一切众生入初禅;第二、第三、第四禅,慈、悲、喜、舍心,乃至三十七助道法亦如是。我得阿耨多罗三藐三菩提时,令一切众生不远离四禅.乃至不远离三十七品助道法!'

"如是,须菩提,菩萨摩诃萨能净佛国土。是菩萨随尔所时行菩萨道,满足是诸愿;是菩萨自成就一切善法,亦成就一切众生善法;是菩萨受身端正,所化众生亦得端正。所以者何?福德因缘厚故。

"须菩提,菩萨摩诃萨,应如是净佛国土。是国土中,乃至无三恶道之 名,亦无邪见、三毒、二乘声闻、辟支佛之名。耳不闻有无常、苦、空之

声,亦无我所有,乃至无诸结使烦恼之名,亦无分别诸果之名。风吹七宝之 树,随所应度而出音声,所谓空、无相、无作,如诸法实相之音:有佛无 佛,一切法、一切法相空,空中无有相,无相中则无作。出如是法音,若昼 若夜, 若坐若卧, 若立若行, 常闻此法。是菩萨得阿耨多罗三藐三菩提时, 十方国土中诸佛赞叹, 众生闻是佛名, 必至阿耨多罗三藐三菩提。是菩萨得 阿耨多罗三藐三菩提时说法, 众生闻者, 无有不信而生疑, 言是法、是非 法。何以故?诸法实相中,皆是法,无有非法。诸有薄福之人,于诸佛及弟 子中不种善根,不随善知识,没在我见中,乃至没在一切种种见中,堕在边 见: 若断、若常。如是人以邪见故,非佛言佛,佛言非佛;非法言法,法言 非法。如是人破法故, 身坏命终, 堕恶道地狱中; 诸佛得阿耨多罗三藐三菩 提时,见此众生往来五道,令离邪聚,立正定聚中,更不堕恶道。如是,须 菩提,菩萨摩诃萨净佛国土中众生,无杂秽心,若世间法、若出世间法,若 有漏、若无漏, 若有为、若无为: 乃至是国土中众生, 毕竟至阿耨多罗三藐 三菩提。须菩提,是为菩萨摩诃萨净佛国土。"

【论】释曰:复有粗业,于诸法毕竟空中取相生著心,所谓取色相、受想、行、识、相,眼相乃至意相,色相乃至法相,男相、女相,三界,善、不善,有为、无为相等。

问曰: 男、女相可是虚妄不实,余色等善、不善法,若不取相,云何能 厌色等成就善法?

答曰:佛法中有二种空:一者、众生空,二者、法空。以众生空破众生相,所谓男、女等相;以法空破色等法中虚妄相,如破一切法空中说。能观

色等善法,如幻、如化,不取定实相,得厌心,则舍戏论常、无常等,是不 名为取相。又色等及善法,皆和合性空行故,不生诸烦恼。

问曰:一切有为法,假名和合故不应取;无为法是真实法,所谓如、法相、实际,何以不取?

答曰:以不取相是无为法,无相名为无为法门;若取相便是有为,如是等,一切虚诳取相不实。远离粗身、口、意业。菩萨欲行净佛土,远离如是等粗身、口、意业,自行六波罗蜜,亦教他人令行;共清净因缘故,则佛土清净。上总相说,下别相说。是菩萨满三千大千世界七宝施佛及僧,作是愿:我以是布施因缘,令我国土皆七宝庄严。

问曰:若满三千大千世界珍宝,从何处得?又诸佛贤圣,少欲知足,谁受是者?若凡人无厌足,何能受三千世界物?

答曰:是菩萨是法性生身,住具足神通波罗蜜中,为供养十方佛故,以如三千世界珍宝供养。又此宝物,神通力所作,轻细无妨;如第三禅遍净天,六十人坐一针头而听法,不相妨碍⁵,何况大菩萨深入神通所作宝物!或有菩萨变身如须弥山,遍十方佛前以为灯炷,供养于佛、若佛塔庙,而作愿言:令我国土常有光明,不须日月灯烛。或有菩萨雨诸华香、幡盖、缨络以为供养,复作是愿:令我国土众生端正如华,身相严净,无有丑陋。如是等,种种好色因缘。复有菩萨以天妓乐娱乐于佛、若佛塔庙、是菩萨或时以

^{5《}中阿含经·舍梨子相应品等心经》云: "舍梨子,诸等心天或十、二十,或三十、四十,或五十、六十,共往锥头处,各不相妨。舍梨子,诸等心天非生彼中,甫修善心,极广甚大,令诸等心天或十、二十,或三十、四十,或五十、六十,共住锥头处,各不相妨。舍梨子,诸等心天本为人时,已修善心,极广甚大,因是故,令诸等心天或十、二十,或三十、四十,或五十、六十,共住锥头处,各不相妨。是故,舍梨子,当学寂静,诸根寂静,心意寂静,身、口、意业寂静,向于世尊及诸智梵行。舍梨子,虚伪异学,长衰永失。所以者何?谓不得闻如此妙法。"

神通力故,作天妓乐,或作天王、转轮圣王妓乐,或作阿修罗神、龙王等天妓乐供养,愿我国中常闻好音。